



UNIVERSITÄTS-
BIBLIOTHEK
PADERBORN

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

5 Quid patientia & longanimitas: de illius incitamentis & gradibus.

[urn:nbn:de:hbz:466:1-72459](#)

eundum rectam rationem non solet fieri nisi ad magnifica opera externa, quae magnos sumptus requirunt; talia autem pertinent ad magnificentiam: unde etiam ad eamdem pertinet, affectum in huiusmodi sumptibus regere. Longè autem aliud spectant homines ut moderentur affectum in mediocribus tum honoribus, tum sumptibus, ut per se satis constat. Non tamen negauerim, quin ex eodem mortuo, quo magna opes vel magni honores contemnuntur, possint etiam contemni parui. Verum quia plerunque aliud mortuum respicitur, quando de magnis agitur, aliud quando de mediocribus: id est ad usum humanum & moralem diversa virtute opus fuit. Vide D.Th. quæst. 129.art.2.ybi tamen paulo aliter haec explicatur, et si in re non sit discrepantia.

35
Per excessum, Cavavola.

Opponuntur magnificientia duo via, alterum per excessum, quod Aristoteles vocat *leisure*, quasi dicat, operariam & indecoram diligentiam in sumptu faciendo; ut cum quis de industria sumptus auget supra quam res poscat, aut decorum patiatur; sicut faciebat ille, qui in filii epulonatali, omnes cibos cum patinis argenteis, cum referrentur è mena, proiciebat in Tiberim. Item qui in res parvas sumptus magnos facit, aut incōcinnè splendorem & magnificientiam ostentat; sicut ille, qui scena præceptus substernebat histriónibus purpuram; & mercator, qui conuictis ad cœnam vocatis, cum hiems esset, faciebat ignem ex cinnamomo, &c. hos etiam Aristoteles, id est, decori inexpertos & ignoratos.

36
Per defec-
tum,
purpura-
tum.

Alterum per defectum, quod Aristoteles vocat *purpura*, D.Thomas *parvificantiam*, cum quis pra angustia animi, operi magno pares sumptus non exhibet: ut si Templo, vel Cœnobio, quod extruendum suscepit, vellet facere parietes craticios, aut tectum stramineum, ut minus expendat. Hic (ut Aristoteles ait) *magna pecunia consumpta*, in parva honestum omne perdet, & extinguet: quidquid facturus est, procrastinans, & cunctabundus efficer, & qua ratione quam minimo sumptu id confidere possit, considerabit; & in his lamentabitur, & ingemiscet, omniaque se efficer maiora quam oporteat arbitrabitur.

Ex pecca-
tum ve-
niale.

Hoc vitium per se non est nisi peccatum veniale; nisi forte ex voto, testamento, vel alia ratione ad opus illud magnificum, in quo perficiendo deficit, sit obstrictus.

D V B I T A T I O V.

Quid patientia, & longanimitas: & de illius incitamentis & gradibus.

Durus Th. quæst. 136.

Patientia dupliciter, iuxta D.Thomam, accipiatur.

37
Patientia
quomodo
sit pars
integralis.

Primum, Pro virtute, quæ firmat animum aduersus timores, & dolores mortis, & malorum mortem inferentium; quæ eniū maximè in Martyribus: haec est pars fortitudinis integralis, vel ipsa virtus fortitudinis inadæquatè concepta. de qua suprà c.1.dub.1.huius libri tertij.

Quomodo
potentia-
lis.

Secundo, Pro virtute, quæ in aliis malis animum confirmet, moderando mœrores qui ex illis

percipi solent; ne videlicet propter hos à præscripto rationis recedat, seu aliquid indecorum agat: ut in morte parentum, filiorum, amicorum, in exilio, in damnis, in morbis, in contumelias, aliisque id genus malis: haec enim magnos mœrores adferre solent, qui hominem sèpè ab arce rationis, & officio virtutis deturbant, & ad malum concitant. hoc modo est virtus annexa fortitudini, ut secundaria principali.

Materia.

Proxima igitur huius virtutis materia est tristitia & afflictio animi ob mala prædicta incidere solita: hanc enim vel plenè comprimit, vel moderatur, ei quamdam fui similitudinem veluti formam imprimens, & ita eam temperans ut recta ratio præscribit, & virum patientem decet; nimisrum, ut rationem plenè fui compotem relinquat, nec virtutes alias in suis officiis impediatur. Remota sunt actiones, verba, & gestus externi, quæ ita regit, ut interna moderatio in eis eluceat; ita ut per tristitiam nihil indecorum foris agat, sed mala seæquo animo ferre ostendat. Remotissima autem, sunt ipsa mala: haec enim dicuntur materia patientiae; non quod patientia illis formam seu modum virtutis imprimat, (hanc enim solis affectibus intermis & actionibus externis communicat) sed quia sunt obiectum & causa tristitiae, quæ proxima patientiae est materia. Simili modo pericula mortis dicuntur materia fortitudinis.

Sed Norandum est, hanc moderationem posse fieri dupliciter.

38
Ex vario
affectu
perfumus
moderari.
tristitiam.

Primò, Ex affectu solius honestatis, qui in illa reluet, moderari enim tristitiam, & mentem in quadam æquanimitate conseruare, statumque externum corporis huic conformem reddere, per se bonum est & honestum. & hoc modo patientia est virtus specialis, à ceteris distincta.

Secundò, Ex affectu alicuius peculiaris virtutis, quæ per tristitiam & afflictiones oppugnat. & hoc modo, quod ad internum affectum actualem vel habitualem attrinet, non est virtus distincta à ceteris: nam quævis virtus sicut amat honestum sui generis, ita ex vi huius amoris resistit iis, quæ illi directè vel indirectè repugnant, animumque aduersus ea firmat. hoc modo passim accipitur in Scripturis, & Patrum scriptis, & in sermone vulgari. quicumque enim affectu alicuius virtutis moderaret fert afflictiones, patiens dicitur.

Hoc modo definitur à D.Augustino q. illa 31. ex Cicerone, cum ait: *Patientia est honestatis aut utilitatis causâ, rerum arduarum ad difficultum voluntaria ac diuturna perpessio*. ubi illud honestatis, intelligi generatim de omni honesto, quod propter se experitur. *Utilitatis*, de eo quod ad aliud honestum vile est, ut si patiaris pecunia consequende causa, quæ folias creditor: nam solius utilitatis causâ, si vile ab honesto distinctum sit, pati, non est virtus patientiae. *Voluntaria*, non quod semper sit in potestate non pati, sed quia in potestate est malle pati quam ab officio rationis desciſere, quam improbe vel indecorè agere. *Diuturna*, intelligi vel in re vel in animi præparatione, debet enim patiens esse animo comparatus ad patientem longotempore, si opus sit. Eodem pertinet descriptio D. Augustini, quam habet lib. de Patientia (quem ex Indiculo constat esse ipsius, et si Erasmus reclamat) cap.2. *Patientia hominis est, qua mala & quo animo toleramus, ne animo inique bona deferamus, per qua ad meliora perueniamus.*

○○○ 4 Ex

39
Necessitas
huius vir-
tutis.

Ex his perspicuum est, quām patientia sit necessaria, tam enim est necessaria ad salutem, quām est necessarium, hominem per huius vita mala, quæ vel nostra mortalitas inuehit, vel ab aliis irrogantur, à bono non abstrahi, aut ad malum non impelli. & quia huiusmodi mala maximè oppugnant Christianos ut rectam religionem deferrant, aut iuxta eius præscriptum non vivant; ideo his maximè necessaria est, iuxta illud Domini, In patientia vestra possidebitis animas vestras. quo significatur, salutem animæ non nisi per patientiam acquiri posse. Possidere phrasim Hebreæ accipitur pro acquirere, sicut ibi, Possedi hominem per Deum, Genesim 4. &c., Dominus possedit me in initio viarum suarum, Proverb. 8. Parum apte hunc locum explicat Martinus de perfecto anime dominio per patientiam, non tamen refert vtrum hæc tolerancia malorum affectu solius honestatis, quæ propriè ad hanc virtutem pertinet, an illius quæ oppugnatur, an virtus qua sit nihil enim horum peculiariter est præceptum, expedit tamen quampluq; rationes sibi propositas habere, ob quas mala fortiter sint perferenda: efficacius enim multa bona, quām vnum mouent.

40
Longan-
mitas.

Longanimitas, quam Græci παροχειαν vocant, potius est pars patientia, vel ipsa virtus patientia inadæquatè concepta, (vt ex D. Thoma articul. 5. colligitur) quām virtus distincta: nam inter mala, quæ patientia æquanimiter tolerat, vnum est molestia, quæ percipitur ex rei expectata dilatatione; huius autem mali seu incommodi tolerancia vocatur longanimitas. Itaque longanimitas nihil est aliud, quam patientia, vt circa tale malum versatur, spectata. Sic Deus longanimitas dicitur, quatenus dum nos ad penitentiam inuitat & expectat, moras nostras & tergiuersationes tolerat, quæ illi quodammodo molestiam adferunt.

41
Vitia pa-
tientia
aduersa.
Insen-
sibilitas.

Vitia patientia aduersa, sunt Insensibilitas & Impatientia, illud per defectum: non enim est laudabile, nec natura humana contentaneum, nullis malis, neque tuis neque proximorum tangi; id enim signum est vel brute stoliditas, vel inhumane duritie; nec congruit amicitia & vita politica. Hoc verò per excusum: vt cum quis nimium dolet, aut etiam ex dolore à recto discedit. Quicumque enim ob dolorem vel mortorem, vt illum vites, pellat, aut soletur, animoque suo sic affecto indulget, aliquid mali facit, impatiens est; iustum dolendi modum, quem patientia præscribit, exuperans. Impatiens etiam dici solet, qui ira vel indignatione excedit, præstetim si hunc motum animi sui foris ostendat: nam ira etiam tristitiam & afflictionem includit. è contrario, qui non facile irascitur, patiens. quamvis hic potius mansuetus sit dicendum, alter iracundus, vt infra lib. 4. cap. 4. ostendetur.

Quale pec-
catum sit.

Est autem hoc virtutum per se peccatum veniale tantum; quia solum est excessus in dolore, vel iracundia motu, signo externo expressus. potest tamen esse mortiferum vel ratione scandali, vel ratione mali, quod quis ex impatientia facit. Insensibilitas seu durities raro est peccatum mortale; certè per se non potest esse nisi veniale.

42
Patientia
adminicu-
la fœc.

Quia verò patientia virtus maximè est homini Christiano necessaria, notanda duxi ex Scripturis & Patribus quædam præcipua eius incitamenta,

quæ ad eius cultum & exercitationē vehementer possint commouere. Primum sit patientia ipsius Patientia Dei: in qua duo potissimum consideranda. Alterum, quod tanta beneficia assidue in peccatores conferat. Alterum, quod eorum iniurias tam benignè toleret. Vtrumque eleganter expredit Tertullianus libro de patientia, cum ait: Nobis exercende patientia auctoritatem, &c. diuina dispositio delegat, Deum ipsum ostendens patientia exemplum: iam primum qui florem lucis huins super iustos & iustos aequaliter spargit: qui temporum officia, ele-
mentorum seruita, totius geniture tributa dignis simul & indigne patitur similiiter occurrere: sustinens ingratissimas nationes, Indubria artium, & opera maxi-
mum suarum adorantes, nomen & familiam ipsius

sequentes, luxuriam, auaritiam, iniquitatem, malignitatem quotidie insolentem, ut sua sibi patientia detrahatur: plures enim Dominum idcirco non credunt, quia seculo iratum tam diu nesciunt. Eudem locum pulcherrime prosequitur Cyprianus libro de Bono patientia, in principio: Si Dominus, inquit, nobis Pater & Deus est, secundum patientiam domini pariter & patris: quia & seruos oportet esse obsequentes; & filios non decet esse degeneres. Qualis verò in Deo & quanta patientia, quod in contumeliam sua maiestatis & honoris instituta ab hominibus profana tempula, & terrena figmenta, & sacra sacrilega patientissime sustinens, super bonos & malos equaliter facit diem nasci, & lumen solis oboriri: & cum imbribus terras rigat, nemo à beneficiis eius excluditur, quō minus instis simul & iniustis indiscretas pluvias largiatur? Videmus inseparabili equalitate patientis nocentibus & innoxius, religiosis & impious, gratias agentibus & ingratias, Dei nutu tempora obsequi, elementa familiaria, spirare ventos, fontes fluere, grandescere copias messiarum, fructus mitescere vincarum, exuberare pomis arbusta, nemora frondescere, prata florere; & cum crebris, immo continuis exacerbetur offensis Deus, indignatio nem suam temperat, & præstituum semel retributio-
nem diem patienter expectat, &c.

Dices, Hanc patientiam esse alterius rationis: Deum enim non esse capacem mœroris aut molestie, quam patientia sustinet: ac proinde non debet nobis in exemplum proponi.

Respondeo, In patientia duo possit considerari. Primo, Comprehensionem tristitiae ex iniuria, vel malo, quod nobis accidit, obortæ. Secundo, Comprehensionem vindictæ, cum affectu quodam benigno coniunctam. Primum non ine-
nitur in patientia Dei; quia in illum tristitia non cadit, quam patientia toleratur. vnde neque hac ratione ipsius patientia proponitur nobis imita-
da. Alterum verò maximè in patientia Dei relucet; quod enim ipsius Maiestas est maior, & crea-
tura indignior, magisque ipsi obnoxia; eò iniuria in ipsum est gravior, ac proinde magis ipsum prouocat ad indignationem & vindictam: vt nihil sit admirabilius quām Deum cohibere manus, iramque in peccatores non effundere, & beneficia sua protelare. & hac ratione proponitur nobis patientia Dei imitanda; nimur ut ad exemplum ipsius cohibeamus vindictam, continuemus beneficia, & benignum retineamus affec-
tum in eos qui iniuria nos afficerint: vt sit, in-
quit, filii Patris vestri, qui in calis est, qui sole-
sum oriri facit super bonos & malos, & pluit super iustos & iustos; Matth. 5.

Secun-

Patientia
Christi.

Secundum, Patientia Christi, in quo Deus, vt inquit Tertullianus, spiritum suum cum tota patientia collocauit, cuius tota vita eximium fuit patientia speculum; passio vero supremum exemplar. Saginari enim, vt idem Tertull. ait, voluptate patientie discessione volebat. Prosequitur hoc pulcherrime Cyprianus loco citato. Hic confidet, quis patiatur, & quantum, quid, à quibus, pro quibus, cur, ubi, & quando.

Patientia
Sanctorum.

Tertium, Patientia Sanctorum veteris Testamenti, Abelis, Abraham, Isaac, Iacob, Joseph, Moyis, Daud, Tobiae, & in primis S. Iob, qui, vt Tertullianus loquitur, omnem patientiam speciem aduersus omnem diabolum expunxit, quem non ab aliis greges, non illa in pecore dimitit, non filij uno ruina impetu adempti, non ipse deniq; corporis in vulnera cruciatus a patientia fide Domino dedita exclusit. & infra: Quale in illo viro feretur Deus de diabolo extraxit, quale vexillum de inimico glorie sua extulit, cùm ille homo ad ornam acerbum nuntium, nihil ex ore promerer, nisi Deo gratias? &c.

Patientia
fructus.

Quod si illi, rudi illo saeculo, ante Christi doctrinam & exemplum, tantam in aduersis patientiam praestiterit; quantum nos perpetrare oportet (vr Tertulliani verbo var) in luce Euangeli, in schola Christi, in hac copia gratia, inter infinita exempla Sanctorum noui Testimenti?

Quartum, Maximus patientia fructus, cùm in hac vita, tum in futura. In hac enim vita Primum, Parvus factus actionem pro peccatis: exigua enim tolerantia maximas futuri saeculi penas redimimus. Facile toleratur factura decem aureorum, qua redimitur confessio decem milium. vide Concilium Tridentinum sessione 14.cap.9. & Gratianum de Poenitentia distinct. 3. Secundo, Iuuat omnes virtutes, easque reddit stabiles & perficit: qui enim virtutis bonum in aduersis retinet, offendit affectum suum illi perferre & firmiter inherere, & quous alio casu in haesurum, declarat hoc Tertullianus: Patientia, inquit, fidem munit, pacem gubernat, dilectionem adiuuat, humilitatem instruit, paenitentiam expectat, exomologes in assignat, carnem regit, spiritum sernat, linguam frenat, manum coniuer, tentationes incusat, scandala pellit, martyria consummat, &c.

Similia habet Cyprianus libro de bono Patientiae hinc Iacobi 1. dicitur: Omne gaudium existimat, fratres, cum in tentationes varias inciditis, scientes quod probatio fidei vestra patientiam operatur; patientia autem opus perfectum habet: ut suis perfecti & integri, in nulo deficients.

In futura vita maximam adducet gloriam; nam vt Apostolus 2.ad Corinth.4. ait, id quod in presenti est momentaneum & leue tribulationis nostre, supra modum in sublimitate eternum glorie pondus operatur in nobis; non contemplanibus nobis quae videntur, sed quae non videntur. ubi in verbis illis, momentaneum & eternum, leue & pondus, tribulationis & gloria, in presenti & sublimitate, emphasis & antithesis confiderat.

Eodem pertinet illud Domini, Matth. 5. Beati, qui persecucionem patiuntur propter iustitiam, quoniam ipsorum est regnum celorum. Beati estis cum maledixerint vobis homines, & persecuti vos fuerint, & dixerint omne malum aduersum vos mentientes, propter me: gaudete & exultate, quoniam merces vestra copiosa est in celis.

Omitto alia Scriptura testimonia, pulchre in hanc sententiam dixit Tertullianus: Ad eo satis idoneus patientia sequester Deus; si iniuriam depositus penes eum, ultor est: si damnum restitutor est: si dolorem, medicus est: si mortem, resuscitator est. Quantum patientia licet, ut Deum habeat debitorum!

Quintum, Tormenta inferorum, quibus sapientia ^{Tormenta} inferni.

digni fuimus, & tamen euasimus: qui enim haec attente considerat, omnia huius vita incommoda nihil estimabit; sed veluti in deliciis ponet. Sicut qui considerat maximam calamitatem, qua plurimi sunt oppressi, se cum paucis euasisse, modicam iacturam nihil facit; sed te cum illa felicem reputat, sibi que gratulatur, quod licuerit tam paruo incommodo elabi. Vide Albertum de virtutibus cap.4.

Sextum, Impatientiae incommoda. Nam Primo, Amittit meritum patientiae. Secundo, Afflictio non minuitur per impatientiam, sed exasperatur: maius enim ipsa tormentum, & dirius animum exercians quam ipsum originale malum, vnde in patientia excitatur, è contrario per patientiam dolor valde mitescit. Tertio, Impellit ad omne genus peccati, ad blasphemiam, contumeliam, homicidium, adulterium, fursum, &c. Vnde Tertullianus: Usque compendio dictum sit, omne peccatum impatientie ascribendum: malum impatientia est boni. hic tamen nomen istud paulo laxius usurpat. Idem prosequitur Cyprianus.

Hæc de patientia incitamentus, nam minutiora præformatio. vide infra lib.4.c.4.dub.3.de manufluctuine.

Quod ad gradus patientiae attinet, variis modis assignari possunt. Primo, Ex parte malorum quæ quis patitur: & sic Primus gradus est. Cū patientiam retinemus in damnis fortunarum. Secundo, In detrimentis famæ. Tertius, In detrimentis corporis & vitæ; quod pertinet patientia Iob, & Sanctorum Martyrum, & in primis Christi Domini.

Secundo, Ex parte modi preferendi: sic Primus gradus est, Tolerare sine murmuratione. Secundus, Sine lamentatione & querimoniis apud alios. Tertius, Cum gaudio, sicut apostoli, qui ibant gaudentes a conspectu concilii, quia digni habiti sunt pro nomine Iesu contumeliam pati. Ad hunc horatur apostolus Iacobus c.1. sua Epistola: Omne gaudium existimat, fratres, &c.

Tertio, Ex parte cause ipsius mali, quod patimur. Hoc modo Primus gradus est, Si patienter feramus mala, quæ pro culpis nostris sive à Deo sive ab hominibus irrogantur. Secundus, Si absque nostra culpa ab inimicis, vel aliis qui nobis obstrici non sunt, illa patiamur. Tertius, Si infarrantur ab iis, qui multis beneficiis à nobis affecti fuerunt: illa enim ingratitudo maximè auger iniuria atrocity, & prouocat iram. vnde difficillimum est erga tales retinere patientiam. Quartus est, Huiusmodi iniurias non solum aequo, sed etiam libenti animo perferre, & etiam desiderare; vt sic aliquo modo Dominum nostrum imitemur, qui omnia iniuriarum & afflictionum genera ab iis quos summis beneficiis affecerat, patientissime sustinuit, & pro iisdem etiam Patrem rogauit. vide Cyprianum & Tertullianum locis citatis.